

六醴齋醫書十種

千頃堂書局印行



痘疹傳心錄卷之十一

松江李林馥啟賢氏重校

痘後禁忌

夫嬰兒痘後五臟六腑四體百骸盡未復元精神氣血肌肉脾胃咸未充實風寒易感投之以發散之劑則精神易耗飲食易傷投之以消導之劑則脾胃愈蕩藥石之所難療保佑之所當周故葷鮮煎燂忌而不食能免瘡瘍之患糝粽生冷忌而不食能免咽酸腹脹之楚辛辣醎酸忌而不食能免汗出哮喘之病肥甘油膩忌而勿嗜能免齒疾脾泄之疴眼鼻勿動其痴能免鼻齕眼吊之醜行坐勿使其早能免腰痠脚痠之咎此而忽之未有不生他症者即生他症治之宜辨其虛實緩急不宜因其客疾亂有所投至生不虞如無他症而投之以劑誠所謂拆堅墻以豎柱非徒無益而又害之矣此不惟為父母者所當加謹即調治者亦當留意焉

附痘後雜症治驗

一免痘後驚搐吐瀉不已四肢厥冷目精不轉疾如鋸聲此慢驚也皆由痘後飲食有傷脾胃吐瀉久而脾胃虛損最為難治若驅風則無風可驅療驚則無驚可療但脾間涎痰虛熱往來耳錢氏曰慢驚屬已土中氣不足之症宜補中氣為主醒脾散附子理中湯送下至聖保命丹

一免痘後驚搐氣促痰喘目直上視口禁不開二便閉澁余謂急驚乃肝木風邪有餘之症宜清涼解散瀉氣之劑以天麻湯抱龍丸瀉青丸治之愈亦有急驚用鉤餅子丸利下過多脾虛而變為慢驚者不治

一免痘後唇赤面白肌肉羸瘦皮毛枯槁潮熱往來能食易化余謂疳勞之候皆由痘後飲食不節脾胃過傷東垣曰脾胃虛弱則元氣下流陰火乘其土位治宜健脾為主而兼滋陰清熱之劑則脾土固氣血滋生諸病自平矣以歸芍六君子湯加石斛麥冬地骨皮銀柴胡等又六味地黃丸加參朮治之愈又一免症亦如前兩月

昏花余謂肝腎不足以六味地黃丸料加參朮當歸枸杞五味間服小異攻散治之愈一免痘後將晬日身熱少食溇瀉肌肉瘦削目生眵泪白膜遮睛余謂痘後寒熱失理飲食不節有傷脾胃則不能生陰血肝藏血目屬肝伏熱上壅以致肝風入眼名肝積眼也治宜調脾清熱平肝之劑四君子湯加芍藥黃連地骨皮龍膽草小柴胡又間服蘆薈丸治之愈

一痘後而白羸瘦夜卧不寧午後微熱飲食減少大便燥結余謂皆由痘後飲食傷脾東垣曰脾胃虛水穀之氣衰少則津液之氣不能上行制火火盛不能生心血心主神心神不寧故睡不安而大便燥結也治宜調脾養血得土固血充則陰陽和而心火自平矣乃以歸脾湯又羌活地黃丸加酸棗仁治之愈

一痘後肌肉日削澹泄不已余謂曰皆由痘後飲食失宜致傷脾胃愈而復傷陳垣曰舊染之症尚未消散方生之症日積胃氣無復完全之望若能確守禁忌調補得宜日漸而安若仍恣意犯禁云死近矣從治以調脾化食四君子湯加山藥陳皮木香蓮肉砂仁等調理漸愈每見有雖以調補而不守禁忌漸成疳癆而卒一兒能食易饑不長肌肉余謂善食而瘦者胃陽有餘而脾陰不足也故胃熱善消內經曰二陽謂與人腸也結謂之消以小異功散加黃連芍藥治之以瀉陽明經之熱也乃愈

一兒痘後炎熱時情急嗜卧飲食少進口躁咽乾肌膚枯悴余謂脾胃虛弱則元氣不足不能實四肢充肌肉而潤皮毛也況時值長夏火居正位炎鑠大行是以熱傷元氣與火不兩立以補中益氣湯合生脈散治之愈

一痘後適值長夏怠惰嗜卧煩悶喘痞溺赤便澹余謂脾胃不足時當長夏濕熱大勝所以感之而然也以清暑益氣湯治之愈

一痘後嗜卧精神倦怠便澹減食余謂胃屬陽而主氣脾屬陰而主血故脾胃為五臟之根本也皆由脾胃虛弱運令不行化功失職治當溫補脾胃為主以六君子湯加木香生朮仁治之愈

一兒痘後夜不能寐余謂經曰胃者六腑之海其氣下行陽明逆不得從其道故不

卧也是以胃不和則卧不安且人之衛氣晝則行於陽夜則行於陰行於陽則寤行於陰則寐今因胃不和但行於陽而不行於陰故夜不能寐也以四君子湯加遠志炒酸棗仁龍眼肉又歸脾湯治之愈

一免痘後身熱頭疼醫謂外感用發散藥二劑其熱愈甚余謂痘後內虛症以補中益氣湯數劑愈

一痘後傷食腹痛余謂痘後中氣未復脾氣弱而不磨治宜補瀉兼施以香砂保脾丸又補中益氣湯調理愈

一免痘後停食過服剋伐之藥致面色痿黃體倦少食午後潮熱醫用清熱之劑更加泄瀉余謂中氣不足以六君子湯又補中益氣湯治愈

一痘後傷食愛腐醫用香砂丸二服宿滯頓化余曰不可再服當節飲食自愈不信又用剋滯之藥更加泄瀉以致不起

一兒痘後傷食糞大便秘不通痛不可按手足搐搦用大柴胡湯加酒麴末二錢痛隨止利下滯穢乃愈

一痘後霍亂余謂皆由外有所感而內有所傷陽不升而陰不降乖隔而為吐瀉也仲景曰其本在中焦邪在上焦則吐邪在下焦則利邪在中焦則吐且瀉用霍香正氣散香霍五苓散治愈又有兼傷暑食以加味二陳湯治之愈

一免嘔吐飡泄余謂胃液凝聚無所容受脾氣耗散傳化漸遲以六君子湯治之愈
一痘後及不能食聞食氣即嘔噦余謂胃氣虛寒用理中湯加霍香丁香治之愈
一痘後吐蚘余謂胃氣虧損無穀氣以榮養此乃虫行求食上湧而吐出也以二陳
湯加生薑黃連芍藥大棗連翹治之愈

一免痘後口吐清涎眼合叫哭面色痿黃或眊白肌體消瘦余謂蚘虫動痛以安虫
飲六味肥兒丸治之愈又一免腹痛不已以安虫飲加蘆薈末愈

一痘後喜唾久不了了余謂陽氣不足胃中虛寒不納津液而然也以理中湯料為
丸清米湯送下愈

一痘後殮泄余謂仲景曰邪熱不殺穀故熱得濕則為殮泄也以六君子湯治之愈
一免溏泄如糜溺赤余謂痘後恣食煎煇積熱鬱於腸胃故也病機曰腸中熱則瀉
黃如糜以五苓散加車前子黃連山查麥芽神麴治之愈

一痘後泄瀉米穀不化喫肉即從便出藥丸亦然余謂脾虛之甚乃失守之病也以
參苓白朮散又附訶丸漸愈

一痘後溏泄腿痛睡卧不寧余謂足三陰虛弱之症以四君子湯加陳皮當歸芍藥
枸杞澤瀉山藥石斛川牛膝再以八味地黃丸愈

一免痘後利下蚘虫余謂熱毒在於大腸用烏梅川椒芍藥甘草半夏黃芩生薑大

棗治之愈

一痘後脾弱溏泄糞後失血久久不已余謂曰皆由脾弱不能攝血歸經治宜健脾清火為主以小異攻散加黃連地榆升麻小柴胡治之愈

一兒痘後久瀉青色腸鳴肢冷余謂曰脾土虧弱則肝木來侮以小異攻散加升麻柴胡又補中益氣湯愈

一痘後夏月飧泄腹作雷鳴醫謂脾氣虛寒以調脾藥不効余謂曰久風入中為腸澼飧泄風木侮土腸中有風故鳴耳以葛根湯加桂枝防風煨姜表之得汗愈

一免痘後時值夏月瘧痢兼作余謂外有所感而內有所傷也原其痘後脾胃未固肌表不密風寒日受飲食自倍腸胃日積餘不盡行留滯于內鬱結日深時逢炎夏復感酷熱之毒又風寒客入蒸發蓄積內外交攻而瘧痢兼作矣以二陳湯加柴胡乾葛青皮治其瘧歸芍香連山查麥芽治其積下利稍可又四君子加歸芍香連調理愈

一兒痘後患痢裏急後重面黃不食聞藥食即噦咸謂積垢盛實以木香檳榔丸下之余曰病邪雖實然而胃氣受傷若遽行攻擊吾恐病安之後寧免瘦憊乎當先補完胃氣之傷而次攻擊可也主人從用小異攻散加芍藥治之而噦止食進又與木香檳榔丸下積已盡再調中湯治之愈

一痘後時值初秋利下白積身熱腹痛嘔噦不食余謂濕熱痰積而兼胃受寒邪用理中湯加防風劑下而噦止又平胃散加香連乾葛青皮山查麥芽治之愈

一兒十五歲痘後患利下赤白自恃強健能食肆無忌憚余審其雖能食而不化經曰胃熱善消脾病不化正所慮者健而能食宜節飲食避風寒慎藥餌渠曰世俗謂無飽死痢我今能食復何慮乎余曰痢而能食知有胃氣故曰不死非謂恣食不節擇者不聽姿意妄為如此月餘少食淹淹復求治不及而卒

一兒痘後痢久不止余謂積雖未盡而中氣不足以人參芍藥白朮甘草升麻陳倉米大固中氣而愈

一痘後患痢久而頭面手足俱腫余謂脾胃氣虛不能輸泄下行以六君子湯加香連車前子治之愈

一痘後瘧發間日余謂皆由痘後不避風寒又感暑濕致令邪氣侵襲不散鬱積於太陰外感而又內傷治以芎蘇散散其邪又驅瘧丹治之愈

一兒痘後瘧久成癖以鱉甲飲阿魏丸治之愈

一兒痘後傷風咳嗽發熱醫以解表之劑加喘促汗出余謂脾胃氣虛欲用補中益氣湯加麥冬五味不從仍以二陳湯加桑皮杏仁枳桔前胡蘇子而加檣櫚復求余治仍用前方加鉤藤愈

一痘後而傷風服參蘇飲愈後又內傷過用消化之劑痰喘腹脹余謂脾虛不能生肺而痰喘也脾虛不易運化而腹脹也用六君子湯治之愈

一免喘急聲聞百步余謂寒邪客肺又水上行侵肺以蜜炒麻黃官桂杏仁甘草車前子葶藶子治之愈

一免瀉後喘急余謂脾氣虛而不能營養肺金故喘以人參一兩五味三錢愈
一痘後齁喘久而不愈余以白果肉十個研麻黃蜜炒一錢半夏桑皮款冬花各一錢蘇子一錢甘草五分杏仁黃芩各一錢水煎數劑而愈

一免身熱煩躁面赤唇紅驚掣余謂熱傷風症或問何原也余曰皆免厚衣重衾拘之懷抱或近紅爐烈燭遂致積溫成熱熱極生風之謂也治以犀角地黄湯合導赤散而愈

一免痘後身熱筋骨疼痛鼻流清涕余謂風傷筋寒傷骨蓋肝主筋腎主骨故風邪感則筋骨疼痛以芎蘇散加羌活防風治之愈

一免痘後患時行疫癘身大熱而無汗余以截溫丹汗後而熱不退以五瘟丹治之愈

一免痘後餘毒不解乘肺而為咳嗽余以清火解毒之劑而愈

一痘後咳嗽連聲不續喉中痰鳴氣息欲絕嗽罷則吐白沫面唇皆白飲食減少卧

則甚而坐則稍可余曰肺為五臟之華蓋卧開而坐合所以卧則氣促坐則稍寬也皆由肺下痰攻之故以小異攻散加藿香半夏厚朴生姜大棗服之數劑吐止又人參清肺飲治之愈此救子益母之法也

一兒痘後咳嗽吐痰似膿腥臭胸中隱隱作痛右寸脈數而滑余謂餘毒乘肺而患肺癰也以陳皮貝母甘草茯苓桔梗百合知母牛蒡連召花粉防己治之愈又方以新鮮百合飯上蒸熟食之

一痘後客冒風寒咳嗽痰涎至極頓吐飲食和痰俱出盡方少息余謂風痰壅盛以清金飲治之愈

一痘後喘急咳嗽痰嘔余謂肺虛以阿膠一兩半旁子三錢馬兜鈴三錢杏仁七粒糯米一兩甘草三分為末蜜丸服又小異攻散愈

一痘後咳嗽甚則嘔嘔甚吐蚘虫余謂經曰咳不已而胃受之此胃受病也以六君子湯治之愈

一兒痘後咳久不已而腰背痛余謂咳發於腎以六味地黃丸料加人參五味麥冬治之愈

一兒痘後痰喘不已余謂心火炎上而乘肺金肺氣不舒而然也以黃連黃芩花粉枳壳杏仁甘草桔梗小柴胡治之愈

一痘後身熱煩躁不已午前猶甚余謂毒氣蘊熱以解毒清熱之劑愈

一痘後身熱昏睡煩渴腮紅午後猶甚余謂氣血虛弱以八物湯愈

一免痘後身熱大便燥結余謂餘毒鬱結於大腸以解毒湯利下愈

一免痘後身熱大便燥結余謂過飧平熱煎煇熱入血中耗散真陰津液虧少以潤燥湯治之愈

一痘後大便燥結小便數余謂脾約之症以潤燥湯治之愈

一免痘後小便不通大便燥而口不渴余謂邪熱在下焦內經曰陰受熱邪閉塞其流又曰熱在下焦填塞不便以滋腎丸服之愈

一痘後小便閉塞口渴余謂邪熱在上焦肺分中有邪熱不能生水是絕水之源故溺澀也以八症散治之愈

一免小便不利醫用五苓散益加不通小便陰囊漸腫余謂前藥復損真陰也以六味地黃丸料加肉桂車前又以補中益氣湯愈

一免痘後溺如米泔余謂脾胃濕熱而使清濁不分也以六味肥兒丸愈

一免便如薑汁余謂膀胱有熱用赤茯苓赤芍藥山梔當歸甘草稍服愈

一免痘後血淋余謂下焦熱結以山梔通草小蓴根生地滑石歸尾甘草稍生藕節淡竹葉加車前草汁服愈

一兒痘後通身加浮而腫皮薄而光手按成窟舉手即滿喘咳便澁余謂痘後飲食傷脾脾虛不能制水水反得以浸漬脾上妄行經絡滲透皮膚故腫耳喘者水漬妄行不能制火火盛上刑肺金故喘也又曰腎水上行侵肺最為難治小便澁者小便之行由肺氣降下而輸化也然金為火尅則失降下之令故溺澁也治宜補中行濕清熱利水之藥以實脾飲丑補散石于散愈

一兒痘後遍體赤腫余謂餘毒不盡解而又恣食煎炒辛熱之物在腸胃薰蒸熱與血相搏而然也名赤遊風以犀角解毒湯治之愈

一痘後小便不利腰已下腫余謂脾胃氣虛不能約制腎水水溢下焦故腰已下浮腫也經曰腰已下浮腫當利小便以五苓散間服牡蠣澤瀉散又六君子湯加澤瀉治之愈

一痘後遍身浮腫余謂餘毒攻冲發腫以滿天星草如芫荽生牆下陰處水楊根金銀花馬蘭頭右各搗汁和勻溫服愈

一兒痘後身熱渴甚引飲不已余審其能食便秘溺赤舌燥咽乾余曰皆心胃二經受邪熱故也以白虎湯人參知母甘草石羔粳米黃連治之愈

一兒痘後口渴不止余審其減食使調舌乾咽燥此脾虛津液不足也以人參麥冬天花粉白朮甘草升麻葛根粳米五味又參苓白朮散愈

一兒十八歲痘後身熱煩渴能食易化不作肌肉余謂氣血虛之心火亢甚而乘也經曰火炎則土燥多食亦飢虛治以氣血並補單日服小異攻散加黃連麥冬知母雙日服四物湯愈每有治不應手此為毒火上炎燥陰真液枯涸而卒

一兒痘後口燥咽乾飲入于胃即欲小便余曰飲入于胃游溢精氣上輸于脾脾氣散精上歸于肺通調水道下輸膀胱其飲入而即欲溺者由戊土不足精氣不輸脾歸肺而下流則心火上炎而口燥渴此中氣弱不能約制其水故也經曰不約為遺溺又曰闕元不禁以白朮為君人參黃芪為臣甘草歸身芍藥為佐黃連為使治之愈

一痘後減食口渴小便數余謂食傷胃氣胃虛而津液不足也蓋手陽明大腸主津手太陰小腸主液大小腸皆受胃之榮氣乃能行津液於上焦若胃氣不及無所稟受故津液涸竭睡覺口燥渴而溺數也以補中益氣湯加麥冬五味子而愈

一兒痘後夜睡汗出肌肉羸瘦微熱煩燥余謂盜汗也此因陽虛所致以補中益氣湯倍黃芪加麥冬而愈

一兒能食口渴肌肉不長精神枯悴脉診沉緩余謂脾胃不足之症東垣曰胃伏火邪於氣分則能食裡虛則肌肉削又曰脾胃衰虛則元氣不足以補中益氣湯加黃連治之愈

一兒痘後煩渴乳食聚滿即吐面赤手足心熱居處喜涼余謂餘毒在胃以竹葉石膏湯治之愈

一兒痘後腮項赤腫余謂客風蓄於皮膚流結而為頑核赤色名曰避毒風以解毒湯服之外以玉龍膏敷之漸退愈

一兒痘後大腿紅腫痛甚手不可按余謂蓄火不解於肉分名曰丹腫以歸尾生地赤芍丹皮連翹荆芥白芷木瓜大黃治之愈

一男子痘後腰痛不能伸屈求余治診左尺脈浮弱皆由痘後房勞所致也經曰慾則精耗精耗則腎傷腎傷則髓氣內枯而腰骨作痛也又曰因而強力腎氣乃傷高骨乃壞正此謂也以八味地黃丸間服補中益氣湯漸愈

一兒十四歲痘後腰脊痛俯仰不能午後潮熱余視曰腎氣熱則腰脊不舉骨枯而髓減由水不勝火也以艾灸崑崙穴踝後跟骨上陷中申脈穴在外踝直上陷中各三壯以

六味地黃丸加獨活間服補中益氣湯愈

一男十八歲痘後四十日外忽腰痛極而兩手舒撒目開無光遺溺汗出喉如拽鋸靜如死狀余診六脈浮大曰此痘後慾慾房勞陰陽離決以艾灸氣海穴在臍下五分

二十餘壯四肢動掣以獨參湯與服又八味丸治之愈

一兒痘後遍身肥瘡余謂餘毒不解治宜清血解毒藥不從以瘡藥敷之藥湯浴之

其瘡雖愈喘脹煩躁余謂瘡毒內攻不治果卒

一痘後瘡痍遍體忽頓愈喘脹搐搦余謂瘡毒倒陷治宜升發得瘡再作症必自安以百解散二劑其瘡復作前症悉平又犀角解毒丸加人參治之愈 又一免症亦如前余以百解散發為丹腫成膿而愈

一痘後遍身膿瘡久不愈肌肉日削午後潮熱余謂毒邪盡出外但正氣有虧不能收斂宜固正氣為主以補中益氣湯加芍藥米仁茯苓石斛防風金銀花水煎服又水銀膏擦之漸愈

一免痘後毒不盡解遍身膿瘡漸為風疥癬每逢春則熾余謂痘風瘡以四物湯加牡丹皮米仁羌活金銀花連翹牛蒡子威靈仙甘草節川草薢蜜丸空心酒下又瘡藥擦之愈

一男子十九歲痘後午餘先寒後熱得汗乃解次日如是皆云瘡以青皮飲七寶飲治之愈甚余謂正氣虛寒以人參五錢白朮一兩炮姜三錢鱉甲五錢水煎四劑而寒熱退又十全大補湯治之愈

一女子十七歲痘後遍身肥瘡疥瘡每逢其時則發正欲于歸適瘡勢熾盛不能坐立余謂痘瘡以川胡麻當歸生地芍藥防風白疾藜何首烏各二兩川芎薄荷枸杞荆芥白芷花粉牛蒡丹皮蔓荊子連翹各一兩苦參四兩右為末先用何首烏生地

煮熟搗爛和勻黃米飯為丸每服三錢白湯送下盡劑愈永不再發

一免壓後使下紫血不已余謂餘毒滯下以牛黃一錢鬱金五錢共為末每服五分燈心湯調服盡劑愈

一免痘壓後嗜卧多困皆云安靜為吉余審呼之不甦晝夜如是皆由氣虛脾弱清氣不能升舉故好睡也以五味異攻散加當歸芍藥又歸脾湯治之愈

一免痘後驚悸不寐寒熱不食余謂心脾不足膽氣實熱以茯神酸棗仁遠志栝子仁防風枳殼生地竹茹等分為末蜜丸白湯下又歸脾湯間服愈

一痘後羸瘦面白目無精光口氣冷少食胃氣虛寒之候以六君子湯愈又一免症似前兼便澹腹滿以前方加炮姜木香愈又有命門火衰不能生土而為是症者以八味地黃丸愈

一免痘後便瀉溺澁余謂陰陽不分以五苓散加車前子木通治之愈又一免陰陽已分而小便少者余謂脾肺不足不能生水以補中益氣湯加門冬五味治之愈有陰虛火炎上刑肺金金受傷不能生水而溺澁者以六味地黃湯加門冬五味子治之愈

一免痘後食白果搗搗痰涎壅盛目直上視腹脹喘急余謂白果有毒性能生痰滯氣以甘草湯漸與服吐瀉而愈每有患此醫以驚風藥治之而卒

痘後漸黃瘦而腫身熱肚大喫土喫米余謂曰皆由痘後飲食傷脾愈而傷乃脾
疳之候復宜養正而積自除以肥兒丸治之愈

一痘後恣食煎燂生冷日積日深面黃肌瘦身熱減食右脈沉滑溼泄醫咸謂積欲
先攻擊余曰痘後中氣未復若先攻擊邪雖去而正氣有傷治先調脾而次取之可
也東垣曰脾胃不足不宜攻擊以六君子湯加山查青皮治愈

一兒痘後時值長夏因食麪而卧心下痞滿躁熱時作醫以大毒藥下之心痞消解
但躁熱口渴飲冷是夜腹痛醫又以利之病加困篤利如爛血魚腦相雜強食即嘔
痞甚於前噫氣不已足脘冷小腹不任其痛求余治之余曰不治何也曰蓋長夏之
熱熱傷元氣以峻熱藥利之所傷之物雖去已豆之毒留於腸胃故嘔逆而不能食
舌上赤澀口燥咽乾陰之所亡也陰既已亡心火獨旺故心胸躁熱煩亂不安也金
匱要畧云不當下而強下之令人開腸洞泄使溺不禁而死利下之法量而行之可
也

一乳兒痘後肌肉羸瘦皮毛枯槁溼泄不已醫咸謂脾弱或投理中湯或以小異攻
散六君子湯皆不効余謂非病也此必乳母乳汁清薄而然今當易乳母得乳膿者
哺之必愈主人從之不藥而愈

一兒痘後頭疼身熱惡寒拘急腹痛余謂內傷外感以參蘇飲香砂丸治之愈